

# 1 TESARÓNİKA

## Merepanika Paoro

### Iokanatsopatakiti Tesarónika

### Auakanimoni

<sup>1</sup> Paoro, Sírası, Tximótxio pakini iokanatsopata Teoso mereẽkinimoni Tesarónika sitatxitiã. Aĩri Teoso nakitiakori hĩtxaua. Apiananiri Xesosi Kristo nakitiakori hĩtxaua. Aĩri Teoso, Apiananiri Xesosi Kristo pakini sikai ikinipoko erekari. Ni-noa kamaerekaxiniretai hĩte.

*Paoro Misãkiretari Teoso Tesarónika Auakani Īkapani*

<sup>2</sup> Amisãkiretari Teoso hĩte ĩkapani. Ātipirika atxari Teoso: “Peerekai pite, kotxi Tesarónika auakani auikari pisãkire,” atxari. <sup>3</sup> Aĩri Teoso amisãkiretakasaaki, axinikapikari hĩte parĩka Teoso ĩkapani. Atão hĩparĩkauata, kotxi iteene hãuikari iua sãkire. Axinikari hĩparĩka Teoso ĩkapani, kotxi iteene hĩtiretari iua. Axinikari himarotiniri Apiananiri Xesosi Kristo sãkire iaõka hĩkamini. Hĩpoxokoniritika hiãtapani isãkire iaõka apokini.

<sup>4</sup> Nitariakori, Teoso tiretapitikai hĩte. Iua mereẽi hĩte iua nakitiakori hininiua ĩkapani. Aimarotari ikara. <sup>5</sup> Teoso iokanapirena erekari hĩtemoni asãpireta Teoso posotiireẽ. Ate sãkirenoka !kaposotiireri. Erekari Matamatakoti oerekai asãkire atão inini. Hĩte iteene imarotari asãkire atãonoka inini. Hãtamatarari aparĩka hĩte ĩkapani hĩte sauaki aãuakasaaki, ininiã himarotapitikaua ate.

<sup>6</sup> Ininiã h̄te kamari ate kamakiti atokotxikana. H̄kamari Apiananiri kamakiti atokotxikana. Himisiritiko aua, iuaritika h̄auikari Xesosi s̄akire. Himisiritiko aua, iuaritika Erekaru Matamatakoti kamapoxokonitai. <sup>7</sup> Ininiãkara Masetónia tixini auakani, Akaia tixini auakani pakini nirekari h̄te atoko ininina. <sup>8</sup> Inirekarina h̄te atoko ininina, kotxi h̄te s̄apiretari Apiananiri s̄akire Masetónia auakanimoni, Akaia auakanimoni pakini. Apaka ikini itixiti iaripireta h̄te iteene auikiniri Teoso s̄akire. Ininiã kona ate s̄apiretari k̄akiti iteene h̄auikiniri Teoso s̄akire, kotxi ikinimane imarotape. <sup>9</sup> Ikinimane s̄apiretari h̄ipoxokoniritika h̄apakapiniua ate. Ninoa s̄apiretari h̄te takanapiniri teoso kamakori. Is̄apiretarina h̄ipar̄kauatini uatxa Teoso at̄o inakari ikapani, auãkipika inakari ikapani. <sup>10</sup> Ninoa s̄apiretari, h̄te iãtapiniri Teoso ãkiri itixine auakari kanapiriini ikorapokoriti. Iua Xesosi. Ip̄kani sauaki Teoso õkitikakiti iua. Iua makatxakapekari amaerekani, ininiã amisiritiko lauaika k̄akiti misiritiko õti apokasaaki.

## 2

### *Paoro Par̄ka Tesarónika Sitatxitiã (Átosi 17.1-9)*

<sup>1</sup> Nitariakori, himarotari maxikat̄ika kona ate sari h̄temoni. <sup>2</sup> Himarotari amisiritiko Piri-posi sitatxiti aãuakasaaki, h̄temoni aãpokini apisa. Iuaã auakani ãsokaua, kateia ãki taka itxauana. Iuaritika Teoso sikataparaxiniretaua as̄apiretiniri Teoso iokanapirena erekari h̄temoni. Itori k̄akiti ! inirekari as̄akire, iuaritika ate s̄apiretari Teoso iokanapirena erekari h̄temoni. <sup>3</sup> Ate oerekakiti !

akeroka. Teoso nireẽkitinoka anireka akamini. Æti anireẽkiti !auari. !Anirekari amisirienetinii hõte.

<sup>4</sup> Teoso auiritaua iua iokanapirena erekari asãpiretiniri kãkiti. Teoso auikari atão asãpiretiniri isãkire kãkitimoni, ininiã asãpiretari isãkire kãkitimoni. Asãkirauata, kona kãkiti akamapoxokonitini ãkapanini. Anirekari akamapoxokonitiniri Teoso, kotxi iua ataerekatari aãkixinire. <sup>5</sup> !Asãpiretai ereka hinini, ate nireẽkiti hõkamini ãkapani. Asãpiretari Teoso sãkire hõtemoni, kona hõte nakiti anirekini ãkapanini. Ikara himarotape. Teoso apaka imarotari ikara nisãkire atão inini. <sup>6</sup> Ate !anirekari kãkiti iuikiniua ate. !Anirekai hõte iuikiniua ate. !Anirekari apanakini iuikiniua ate. Kristo iokanatakiniraua ate hõtemoni, ininiã aposotari apaniãtinii ikinipoko anireẽkiti hõsikiniua. Iuaritika !anirekari ikara atoko akamini. <sup>7</sup> Hõte sauaki aãuakasaaki iteene atiretai hõte. Sito tiretiniri oimi atokokana, ate tiretai hõte. <sup>8</sup> Iteene atiretai, ininiã anirekari asikinii Teoso iokanapirena erekari. Kona iuananini anireka asikinii hõte. Axinire, aõto pakini anireka asikinii, kotxi ate tirketakini hõtxapekaua. <sup>9</sup> Nitariakori, hõxinikari aparõka hõte sauaki. Pasãpaniri. ãkanõka, pokamara pakini aparõkauatapitipo, akiena, anireẽkiti pakini aãpakapini ãkapani, kotxi !anirekari aamanainii hõte aamonitakiti ãkapani. !Anirekari hõte parõka apiatini ate ãkapani, Teoso iokanapirena erekari asãpiretakasaakii.

<sup>10</sup> Hõte Kristo sãkire auiãkani sauaki aãuakasaaki, hõte itikari aãuini ikiniõtika. Teoso apaka itikari. Himarotari Teoso nireẽkitinoka akama iusaaki. Himarotari erekarinoka akama

iusaaki. Himarotari ! akamari maerekati iusaaki. <sup>11</sup> Hīri atoko atxaua iusaaki, kotxi aōtākikai hīte. Amīkapiritai, imi iri mīkapiritini atokokana. Apaniātai atāo inakarínoka hīkamini. <sup>12</sup> Ikara atoko akaminii, kotxi Teoso anaakori hītxaua, ininiā anirekari hīte kaminiri hīri kamakiti iaōka. Iua akiritai hīte hīauīte inini īkapani. Inirekari hātamatini iua iotximere itixine hāuakasaaki. <sup>13</sup> Ininiā ātipirika amisākiretari Teoso: “Erekapitikai, kotxi Tesarónika auakani auikari pisākire, ninoamoni asāpiretakiti. Ninoa imarotari kona ate sākireni asāpiretana. Ninoa imarotari asāpiretana atāo pite sākire,” nitxari Teoso. Teoso sākire parīkauata hīte Xesosi sākire auīākani ākixinireē isākire hāuikini īkapani. <sup>14</sup> Xotéia tixini auakani, Kristo Xesosi nakitiakori, Teoso sākire auīākani, ninoa kamakiti atoko hīkamako hīte nitariakori. Xoteoakori misiritana ninoa. Iua atokotxikana hīte nirimane misiritapekai hīte. <sup>15</sup> Ninoa Xoteoakori okari Apiananiri Xesosi. Ninoa apaka okana ninoaka nirimane, Teoso sākire sāpiretakani. Ninoatxikana misiritapekaua ate. Teoso ! apokaerekatari ninoa kamakiti. Ninoa omanatari kākiti. <sup>16</sup> Kotxi ! auiritarina Xesosi sākire asāpiretini Xoteo minakanīua, imaerekanina makatxakiko īkapani. Uatxa ninoa maerekani xāpoka. Uatxa Teoso omanākare apokapeka ninoamoni.

### *Paoro Ipiātina Tesarónika Auakani*

<sup>17</sup> Ātiātaā ate auakasaaki, ātipirika axinikapikai. Aīto hītekata mauakanisaaki, aākixinire xinikapikai. Ate ipiātai. Iteene anirekari iuaīkana aōkitinii. <sup>18</sup> Anirekapitikamari

h̄temoni akanapiriini. Nota Paoro itokata nirekamari napokini h̄temoni, txamari Satanasi ! auiritaua as̄ini h̄temoni. <sup>19</sup> Aãũite Xesosi ãti õti ikanapiriãkasaaki, aãpotiitaua iua apisatoõ. Iuasaaki aiãtapakiti apokapeka. Kipa aiãtapakiti? H̄itera. Iuasaaki iteene apoxokoniatako. Kinirepa apoxokoniata? Kotxi h̄te aua iuaã. Iuasaaki aãpakapari aparĩka ãki. Kinirepa aãpakapari aparĩka ãki? Kotxi h̄te auikari Xesosi sãkire ate sãpiretakiti. Ininiã peerekari iuasaaki. <sup>20</sup> Atãopitikara nisãkire. Ate iuikai h̄te. H̄te kamapoxokonitaua ate.

### 3

<sup>1</sup> Iuasaaki ! am̄iteenekari amimaropiretakanii h̄te, ininiã axinikari atenoka kaikota uai Atena sitatxitiã. <sup>2</sup> Ininiã iuasaaki aiokanatari aĩtari Tximótxio h̄temoni. Teoso nitiri itxaua. Imoianataua Kristo iokanapirena erekari asãpiretakasaakiri kãkiti. Aiokanatari iua h̄temoni, Xesosi sãkire iteene hãuikini ãkapani, isikataparaxiniretinii ãkapani. <sup>3</sup> Ikara atoko ininiã, kona h̄xinikari Teoso sãkire h̄takanapini, kãkiti misiritinii xika, kotxi himarotari amisiritiko apokapitikako. Teoso auiritari. <sup>4</sup> H̄tekata aãuakasaaki, asãpiretapekai amisiritiko apokini. Uatxa himarotapitikari atão asãkire, kotxi uatxa apopeka asãkire iaõka. <sup>5</sup> Ininiã apikomoni ! nim̄iteenekaikari nimimaropiretakanii h̄te. Ininiã iuasaaki niokanatari Tximótxio h̄temoni, Xesosi sãkire hãuikini nimarotini ãkapani. Nipĩkari Satanasi sikanireõtinii h̄te, Xesosi sãkire hãuikini h̄takanapini. Nipĩkari maxikatiĩka Xesosi sãkire asãpiretinii h̄te, h̄tekata aãuakasaaki.

*Tximótxio Sāpiretakiti Ikanapiriākasaaki*

<sup>6</sup> Uatxa Tximótxio kanapiripeka atemoni. Iua minapiretai hīte. Erekari isāpiretakiti. Iua txaua ate: “Tesarónika auakani iteene auikari Xesosi sākire. Ninoa tiraōkiuatapika. Ipotxitarina ixinikiniina hīte. Ipiātaina hīte, ninoa hīpiātini atokotxikana,” itxa Tximótxio atemoni.

<sup>7</sup> Nitariakori, ate amaxikiko auapitika. Ate misiritiko auapitika, iuaritika hīkamapoxokonitaua, kotxi iteene hāuikari Xesosi sākire. <sup>8</sup> Uatxa peerekari ate auini, kotxi Apiananiri sākire iaōka hīkama. <sup>9</sup> Iteene apoxokoniua Teoso apisatoō, kotxi hāuikari iua sākire. Axinikasaakii, apoxokoni iteene auapitika. Ininiā ātipirika atxari aTeosone: “Peerekai pite, kotxi Tesarónika auakani iteene auikari pisākire, ininiā ikamapoxokonitauana ate,” atxari. <sup>10</sup> Īkanōka, pokamara pakini iteene aamanaāri Teoso hīte iuaīkana aaōkitini, kotxi anirekari apikomoni Teoso sākire himimarotakinii aōrekinii.

<sup>11</sup> Anirekari āri Teoso, aāuīte Xesosi Kristo pakini oerekiniāua aāpokini hītemoni. <sup>12</sup> Anirekari Apiananiri txīkitakinii himarotiniri hītiretakakinia. Anirekari hītiraōki aneini. Anirekari iteene hītiraōkiuatini. Anirekari ikinimane apaka hītiretini, ate tiretinii hīte atokotxikana. <sup>13</sup> Anirekari Apiananiri sikataparaxiniretinii hīte. Ininiā Apiananiri Xesosi Kristo ikinika inakitiakorikata īkasaaki uai, iusaaki maerekati !auaika hītemoni āri Teoso apisatoō. Iusaaki hīte apoītakari !auari. Iusaaki erekai hīte.

### *Akamakiti Teoso Apokaerekatakiti*

<sup>1</sup> Nitariakori, apikomoni nisāpiretai. Asāpiretapekai hīkamakiti tīkane, hāuini Teoso apokaerekatini īkapani. Ikara atoko inakari hīkamapitika uatxa. Erekarī hāuini uatxa, ininiā nōtākikai Apiananiri Xesosi posotiireē, apikomoni iua apokaerekatakiti ikiniōtika hīkamini īkapani. <sup>2</sup> Himarotapitikari aōereēkiti hīkamini īkapani. Apiananiri Xesosi paniātaua ikara aōerekinii hīte.

<sup>3</sup> Teoso nirekari himaerekani xipokaāpotini hākixinireē. Ininiākara hītaniri minakotikatika, hītanoro minakotokatika, !hīsīrikape. <sup>4</sup>!Hāuiritapiri hīto nireēkiti ikamini. Hīto auīte hītxauako, ininiā maerekati hīto nireēkiti !hīkama. Atāo hīpaxitariko hīteka īto, apanakini īto apaka. <sup>5</sup>! Apakata hīxinikiniri ātipirika maerekati hīto nireēkiti āti ītokata hīkamini. Xoteo minakaniua, Teoso mīmarotakani, xinikari ikara atoko inakari. <sup>6</sup>!Apakata hītxīkitakiniri āti aītari maerekati ītotxi nireēkiti ikamini, kotxi Apiananiri misiritariko kākiti ikara atoko inakari maerekati ikaminiā. Asāpiretapekai ikara. Apinitapekai. <sup>7</sup> Teoso kona akiritaua iuamoni, maerekati aīto nireēkiti akamini īkapani. Akiritaua iua nakiti aniniua īkapani, erekarinoka akamini īkapani. <sup>8</sup> Ininiā ikara asākire manirekakati, !omanataua ate. Omanatari Teoso. !Inirekari Teoso sākire, kotxi Teoso sikari Erekarī Matamatakoti kākitimoni.

<sup>9</sup> Hītariakori hītiretini pīrena kona aiōkatsopata hītemoni, kotxi Teoso oerekapekai hītiretakiniua.

<sup>10</sup> Nīmarotari hītiretiniri ikinika hītariakori Masetónia tixini auakani. Iuaritika nitariakori, aōtākikai apiata hītiretiniri kākiti ikiniōtika.

<sup>11</sup> Hāpaiaōkariko hītsorīkaātini. Apanakini parīka

! himaãkatape. Hĩkamariko hĩteka parĩka hãuini ĩkapani. Ikara atoko asãpiretapekai hĩte. <sup>12</sup> Ikara atoko hĩkaminiã, Xesosi sãkire mauĩãkani paxitai. Ikara atoko hĩkaminiã, !auari hiamonitakiti.

### *Apiananiri Kanapiriini*

<sup>13</sup> Nitariakori, anirekari himarotiniri atão inakari ipĩkani pirena. Kona anirekari himatinaniuatini Xesosi sãkire mauĩãkani matiniuatini atoko, kotxi ninoa ipĩkasaaki, !imarotarina isinimonina. <sup>14</sup> Aãuikari Xesosi ipinini. Aãuikari iuaĩkana õkitikiniua. Ininiãkara aãuikari ipĩkani Teoso sãkire auĩãkani apaka õkitikiniua. Teoso minana ninoa Xesosikata ikanapiriãkasaaki. <sup>15</sup> Iuasaaki ate auãkipanika inakanuia Apiananiri kanapiriãkasaaki, ! asari ninoa mitxi ipĩkani apisapanika. Mitxi ninoa sa. Iposo atoko ate sa Apiananirimoni. Apiananirira sãpiretapekaua ikara. <sup>16</sup> Iuasaaki Apiananiri potorika itixine. Iuaka katxaka uaimoni. Iuasaaki akiripoakata iua apokasaaki, ininiã kãkiti kenakotariko Teoso nitiriakori auĩte sãkire. Teoso trõpetane xõkiko kenakotaãka. Iuasaaki mitxi ipĩkani, Kristo sãkire auĩãkani, merepanika õkitikauako. <sup>17</sup> Eereka ate auapanika inakanuia anikaãkako ipĩkanikata Apiananiri aaõkitini ĩkapani. Aaõkitari iua itanoxiti katxiãriã. Ininiã eereka iuakata aãuapininiika. <sup>18</sup> Ikara sãkiretxiti hĩsãpiretakakauako, ininiã hĩkamataparaxiniretakakauako.

## 5

### *Apiananiri Kanapiriini Õti*



1 Nitariakori, kona asãpiretari Xesosi kanapiriini õti. ! Asãpiretari apokini kasiriti, ikanapiriinikanani pakini. 2 Kotxi atão himarotari, Apiananiri uai apokini, kiitiriri ãkanõka apokini atokokana itxako. Ininiã kãkiti ! imarotari Apiananiri apokini õti. 3 Iuasaaki kãkiti sãkire: “Neenamatzxi ! auari. Erekaua. Imonõkoni ! auari,” inakasaaki, iuasaakipeka katimaritika Teoso xipokari ikinipoko. Katimari sito amarini tsiĩkini atoko itxako. Oa sito tsii apokasaaki, omitekini ! auari. Iua atokokana kãkiti mitekini ! auari iuasaaki Xesosi kanapiriãkasaaki. 4 Nitariakori, kãkiti ipiã auakani atoko ! hĩtxaua. Himarotapitikari ãti õti Apiananiri uai kanapiriini, ininiã hiãtapari ikanapiriini õti apokini, himatikokakani ãkapani, kiitiriri tikokakiniri kãkiti atoko himinakani ãkapani ikanapiriãkasaaki. 5 Hĩte hĩkinika kaiotximereri anaakori hĩtxaua. Pokamarari anaakori atoko hĩtxaua. ! Akaikota ipiã. ! Akaikota ãkanõka, kotxi ! anirekaikari maerekati akamini. 6 Ininiãkara apanakini imakakani atoko ! himapeko. Araõkire matxako, maerekati mapokakani ãkapani. Aĩto auĩte matxaua. 7 Imakakani imaka ãkanõka. Poãtakani poãta ãkanõka. ! Iãtapari Xesosi kanapiriini. Ikara atoko ! hĩtxapeko.

8 Pokamarari anaakori atxaua, ininiã aĩto auĩte matxaua. Sotato takari itorota koana, itorota tokapare ãkapani. Sotato torota koana atoko itxa Teoso sãkire iteene hãuikini. Sotato torota koana atoko itxa apaka hĩtiraõki. Ininiã hãuikasaakiri Teoso sãkire, hĩtiraõkiuatakasaaki, hãkixinire tokapare auape. Sotato takari ikii tãta ikii tokapare ãkapani. Sotato kii tãta atoko

itxa amaerekani makatxakiko aimarotini. Ikara imaroretxi axinikakiti akii tokapare itxaua. <sup>9</sup> Teoso mereẽua ate kona imisiritiniua ìkapanini. Iua mereẽua ate amaerekani aãuĩte Xesosi Kristo makatxakini ìkapani. <sup>10</sup> Iua ipina kãkiti ìkapani. Ipina iuakata aãuini ìkapani. Ikanapiriãkasaaki, isãkire auiãkani auãkipanika inakani, ipìkani pakini aua iuakata. <sup>11</sup> Ininiã hĩsikataparaxiniretakakauako. Himoianatakakauako Teoso sãkire iteene hãuikini ìkapani. Uatxa ikara atoko inakari hĩkamapeka.

*Paoro Òtãkikare Mapotõkire*

<sup>12</sup> Nitariakori, aõtãkikai himarotiniua hĩte sauaki parĩkauatakani, Apiananiri sãkire sãpiretakani, hĩte òtãkikakani. <sup>13</sup> Ininiã iteene hĩpaxitanako. Hĩtiretanako ninoa, kotxi ninoa iteene parĩkauata hĩte ìkapani. !Hĩtxitakakapeua. ! Hineenamauatape. <sup>14</sup> Nitariakori, iteene aõtãkikai hĩte ia atoko: Hĩpinitariko kãkiti paniãtakiti makĩpitakani. Hĩsikataparaxiniretariko pĩkarauatakani. Himoianatariko mataparani. Katima ! hĩtxapeko homanãkarauatini kãkiti kerokasaaki. <sup>15</sup> Kona hãuiritapiri misiritakori misiritiniri imisiritakiri. ãtipirika hĩkamariko erekari hĩtariakorimoni, Xesosi sãkire mauĩãkanimoni apaka.

<sup>16</sup> ãtipirika hĩpoxokoniuatoko. <sup>17</sup> Himisãkiretapikariko Teoso. <sup>18</sup> Hĩpoxokoniuatokasaaki, hĩtxariko Teoso: “Erekari pikamakiti nota ìkapani,” hĩtxako. Himatinaniuatakasaaki, iuaritika hĩtxariko Teoso: “Erekari pikamakiti nota ìkapani,” hĩtxako. Ikara atoko Teoso nirekari ãtipirika hĩsãpiretiniri iua, kotxi Kristo Xesosi nakitiakori hĩtxaua. <sup>19</sup> !Hĩotokakapiri Erekari Matamatakoti

parĩkauatini hãkixinireẽ. Hĩkamariko ipaniãtakiti.  
<sup>20</sup> !Homanatapiri Teoso sãkire kãkiti sãpiretakiti.  
<sup>21</sup> Hãtaerekatariko ikinika. Erekarinoka hĩkamako.  
<sup>22</sup> !Hĩsipeko maerekati kamikoãtaã, kotxi hĩsiniã,  
apanakini xinikari atão maerekati hinireka  
hĩkamini.

<sup>23</sup> Anirekari Teoso, kãkiti kamaerekaxinire-  
takari, iua iteene kamaerekatinii hĩte iua  
nakitiakorinoka hininiua ĩkapani. Nimisãkiretari  
Teoso hĩte ĩkapani, hĩxinire, hãkixinire, hĩto pakini  
ereka inini, ininiã aãũte Xesosi Kristo uai  
apokasaaki maerekati !auaika hĩtemoni, ininiã  
hĩte apoĩtiko !auari. <sup>24</sup> Hĩte akiritakari kamari  
isãkire iaõka.

<sup>25</sup> Nitariakori, himisãkiretariko Teoso ate  
ĩkapani. <sup>26</sup> Haõkitakakasaakia, hĩtiraõkiritika  
hãpakapakakauako, kotxi hĩtariakori itxauana.  
<sup>27</sup> Apiananiri posotiireẽ nipaniãtai hãtatsopatiniri  
ia niokanatsopatakiti ikinika aĩtariakori  
kenakotini ĩkapani. <sup>28</sup> Aãũte Xesosi Kristo sikari  
ikinipoko erekari hĩtemoni. Ameẽ.

**Teoso sãkire amaneri**  
**New Testament in Apurinã (BR:apu:Apurinã)**

copyright © 2004 Wycliffe Bible Translators, Inc.

Language: Apurinã

Translation by: Wycliffe Bible Translators, Inc.

**Copyright Information**

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Apurinã

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
253eaec7-f0c7-5b49-b6be-65ee5354d0ed